

雨水

一陣雨沃（ak）--落來，雨水佇塗跤（kha）賴賴趨（luā-luā-sô），日頭共（kā）伊曝，風共伊歎（pûn），伊變做水氣走去天頂尾溜。

一陣雨沃--落來，雨水跳入去溪仔底，伊煞共溪仔當做膨床，sìm來～sìm去。溪仔烏心腸，共伊騙講欲tshuā伊去tshit-迤，煞共伊賣予大海做新婦仔。

一陣雨沃--落來，雨水走去窟頭山阻溜籠（tshū-liu-lông），山頂的塗砂無依無倚（uá），也綴（tuè）伊咧耍（sín）。個阻kah厝邊的厝倒--去，路--裡的橋斷--去，窟頭山也敲（khi）一爿。囡仔兄看--著，驚一趔，大人看--著，幌頭吐大氣。個才知影代誌大條--矣，真見笑。

一陣雨沃--落來，雨水從（tsông）入去菁仔欖跤，菁仔欖想欲（beh）留伊過暝，毋閣（koh）伊的厝傷（siunn）狹，kan-tann會當予一屑屑仔雨水tuà。無可奈何，雨水衝入去山跤（kha），共（kā）平埤變做泔水池。

一陣雨沃--落來，雨水潑入去樹林內，樹根收伊做契圇，雨水有岫（siū）通歇，毋免四界流浪，嘛袂（bē）去做歹代，共（kā）人損蕩（sín-tāng）。就按呢，山頂的草木有水通食，山跤的人嘛有水通淋（lim）。

樹林是雨水的故鄉！

（約320字）